

Zbirka medijskih objava

Vlada Brčko Distrikta_kliping_dnevno,
za razdoblje 24. 10. 2022

Broj objava: 12

Internet: 9

Štampa: 3

Teme praćenja:

Vlada Brčko Distrikta: 1

Gradonačelnik: 0

Skupština Brčko: 2

Brčko: 10

Vlada Brčko Distrikta:

Internet	Naslov	SERVISNE INFORMACIJE za ponedjeljak 24.10.2022. godine		
Serijski br. 1	Medij; Doseg	Radiobrkco.ba; , Bosna i Hercegovina		
	Rubrika, Datum	Ostalo; 24. 10. 2022		
	Autor	N. N.		
	Teme	Vlada Brčko Distrikta		

Skupština Brčko Distrikta:

Internet	Naslov	Održana druga javna rasprava o predlogu budžeta Brčko distrikta		
Serijski br. 1	Medij; Doseg	Ebrcko.net; , Bosna i Hercegovina		
	Rubrika, Datum	Ostalo; 21. 10. 2022		
	Autor	Unknown		
	Teme	Skupština Brčko Distrikta		

Internet	Naslov	Završene javne rasprave o budžetu za 2023.godine: Veliki interes građana		
Serijski br. 2	Medij; Doseg	Otisak.ba; , Bosna i Hercegovina		
	Rubrika, Datum	Ostalo; 24. 10. 2022		
	Autor	Unknown		
	Teme	Skupština Brčko Distrikta , Brčko		

Brčko:

Internet	Naslov	Milić: Šarović otkrio motiv postizbornih dešavanja		
Serijski br. 1	Medij; Doseg	Ebrcko.net; , Bosna i Hercegovina		
	Rubrika, Datum	Ostalo; 21. 10. 2022		
	Autor	Unknown		
	Teme	Brčko		

Internet	Naslov	SDS Brčko: Na laži i krađi se ne gradi srpsko jedinstvo		
Serijski br. 2	Medij; Doseg	Ebrcko.net; , Bosna i Hercegovina		
	Rubrika, Datum	Ostalo; 22. 10. 2022		
	Autor	Unknown		
	Teme	Brčko		

Internet	Naslov	Upoznajte Bosance koji su izgradili karijere u SAD-u, a sada pomažu razvoju domovine		
Serijski br. 3	Medij; Doseg	Klix.ba; , Bosna i Hercegovina		
	Rubrika, Datum	Ostalo; 23. 10. 2022		
	Autor	A. Kendić		
	Teme	Brčko		

Internet	Naslov	Jedna zlatna i dvije bronzane medalje za KBV "Jedinstvo" Brčko		
Serijski br. 4	Medij; Doseg	Infobrcko.com; , Bosna i Hercegovina		
	Rubrika, Datum	Ostalo; 24. 10. 2022		
	Autor	Unknown		
	Teme	Brčko		

Internet	Naslov	Atelje 6 - Kulturna ekspedicija Brčaka u Parizu		
Serijski br. 5	Medij; Doseg	Infobrcko.com; , Bosna i Hercegovina		
	Rubrika, Datum	Ostalo; 24. 10. 2022		
	Autor	Unknown		
	Teme	Brčko		

Internet	Naslov	Završene javne rasprave o budžetu za 2023.godine: Veliki interes građana		
Serijski br. 6	Medij; Doseg	Otisak.ba; , Bosna i Hercegovina		
	Rubrika, Datum	Ostalo; 24. 10. 2022		
	Autor	Unknown		
	Teme	Skupština Brčko Distrikta , Brčko		

Internet	Naslov	Udruženje dijabetičara Brčko distrikta BiH obilježiti će Svjetski dan moždanog udara 27.10.2022.g.		
Serijski br. 7	Medij; Doseg	Otisak.ba; , Bosna i Hercegovina		
	Rubrika, Datum	Ostalo; 24. 10. 2022		
	Autor	Unknown		
	Teme	Brčko		

Štampa	Naslov	Obitelji i dalje čekaju na pravdu		
Serijski br. 8	Medij; Doseg	Dnevni list; , Bosna i Hercegovina	Stranica: 12	Površina: 743 cm ²
	Rubrika, Datum	Događaji; 24. 10. 2022		
	Autor	Unknown		
	Teme	Brčko		

Štampa	Naslov	Tu negdje zaglibio je		
Serijski br. 9	Medij; Doseg	Oslobođenje; , Bosna i Hercegovina	Stranica: 32	Površina: 672 cm ²
	Rubrika, Datum	Kultura; 24. 10. 2022		
	Autor	Bičanić Mladen		
	Teme	Brčko		

Štampa	Naslov	Rast premije osiguranja, ali i isplaćenih šteta		
Serijski br. 10	Medij; Doseg	Poslovne novosti; , Bosna i Hercegovina	Stranica: 9	Površina: 465 cm ²
	Rubrika, Datum	Vijesti; 24. 10. 2022		
	Autor	Unknown		
	Teme	Brčko		

Održana druga javna rasprava o predlogu budžeta **Brčko** distrikta



Održana je i druga od ukupno tri javne rasprave o Predlogu budžeta **Brčko** distrikta za 2023. godinu.

Predsjedavajući Komisije za budžet **Skupštine Brčko distrikta** Srđan Blažić rekao je da će Komisija pregledati sve predloge građana i nevladinog sektora koji su stigli tokom i van javnih rasprava te da će se sve što bude opravdano naći u konačnoj verziji budžeta Distrikta za 2023. godinu.

Blažić je napomenuo da će predloženi budžet u skupštinskoj raspravi biti šezdeset (60) dana što je dovoljno vremena da se izvrši preraspodjela sredstava unutar budžeta i povećaju određeni iznosi, prije svega, socijalnih davanja.

„Unutar budžeta postoje određene stavke i namjene koje možemo preraspodijeliti. Mnogo toga smo obuhvatili rebalansom budžeta za 2022. godinu. Nadam se da ćemo dobar dio tih predloga uključiti u konačnu knjigu budžeta Distrikta za 2023. godinu“, rekao je Blažić.

Milić: Šarović otkrio motiv postizbornih dešavanja



Lider SDS-a Mirko Šarović otkrio je u izjavi za federalne medije prave motive postizbornih dešavanja u Republici Srpskoj - sklanjanje sa političke scene predsjednika SNSD-a Milorada Dodika, izjavio je danas predsjednik SNSD-a u **Brčkom** Siniša Milić. hemofram

Milić je naglasio da je Šarović time potvrdio da sve ovo što se dešava nema veze ni sa kakvim, navodnim, izbornim nepravilnostima.

SDS **Brčko**: Na laži i krađi se ne gradi srpsko jedinstvo



48 državljana Republike Srpske u Vučilovcu je izašlo na izbore i glasalo za Jelenu Trivić vjerujući da je ona najbolji kandidat za predsjednika Republike Srpske i da njihove glasove niko ne može ukrasti.

Kada su na internet stranici Izborne komisije objavili rezultate sa biračkog mjesta u Vučilovcu vidjeli su da je birački odbor Jeleni Trivić upisao nula glasova. Uložene su žalbe, glasački listići su ponovo prebrojani i njihovi glasovi su vraćeni onom kome i pripadaju.



Upoznajte Bosance koji su izgradili karijere u SAD-u, a sada pomažu razvoju domovine

A. Kandić

56





Negra Husikić, Benjamin Tikvina i Sabina Altumbabić-Sackett (Foto: Klix.ba)

57 min



Grupa ljudi porijeklom iz Bosne i Hercegovine, koji su svoje uspješne karijere izgradili u Sjedinjenim Američkim Državama (SAD) udružili su se u pokret simboličnog naziva IMBiH.

Žele biti most između domovine i Amerike, promoviranjem ekonomskog napretka BiH, kroz podsticanje inkluzivne platforme koju čine inovacija i poduzetništvo, kulturne i humanitarne aktivnosti te poslovno umrežavanje.

Naime, Benjamin Tikvinu iz Sarajeva, Negru Husikić iz **Brčkog** i Sabinu Altumbabić-Sackett iz Tuzle spojila je zajednička ideja koja se ogleda u pomoći svojoj rodnoj državi iz koje su spletom životnih okolnosti otišli u SAD, a gdje su nakon školovanja izgradili uspješne karijere. Oni su dio volonterske organizacije IMBiH sa sjedištem u Washingtonu, a kojoj su inovacija i poduzetništvo među osnovnim ciljevima.

"Prepoznali smo da postoji vakuum između BiH i Amerike, zbog čega smo osnivanjem organizacije željeli napraviti most koja će spajati dva prostora. Organizaciju smo osnovali 2018., ali smo u javnost izašli godinu dana kasnije, jer smo željeli napraviti kvalitetan program koji se sastoji od tri principa, odnosno poduzetništva, inovacija te kulturnih i humanitarnih aktivnosti, uz umrežavanje", kaže za Klix.ba suosnivač i predsjednik IMBiH Benjamin Tikvina, koji u profesionalnom domenu obnaša funkciju višeg finansijskog analitičara u Američkoj vladi.

I Amerikanka među osnivačima organizacije

Izvor želje za formiranje organizacije nastao je u uviđanju toga da ranije nije postojala nijedna organizacija koja se striktno bazirala na ekonomskoj pomoći BiH, kroz konkretne mjere. Bosancima je na tom putu pomogla i Amerikanka Sarah Wagner, koja je učestvovala u osnivanju **IMBiH**, a svoju vezu s našom državom ostvarila je prije 19 godina. Ona je tada radila na istraživanju doktorske disertacije u Srebrenici i Tuzli, gdje je učestvovala u identifikaciji nestalih osoba tokom proteklog rata.

"Nama je želja da oblikujemo budućnost, ne samo BiH u kontekstu biznisa, već i bh. dijasporu širom svijeta. Također, Bosanci koji djeluju u SAD-u predstavljaju veoma uspješnu dijasporu, djelujemo u velikom broju sektora i industrija i vjerujemo da se moramo međusobno pomoći, kako bismo zajedno stvarali bolju budućnost BiH i most koji će nas sve

spojiti", navodi suosnivačica i blagajnica IMBiH Negra Husikić, inače potpredsjednica u sektoru finansija i operacija u trgovačkom udruženju American Investment Council (AIC).

Prolazeći kroz rigorozne procedure, ova organizacija postala je članom Američke trgovačke komore sa sjedištem u Washingtonu, a znajući da je njihov dugotrajni cilj organizacija biznis foruma, u dosadašnjem radu su realizirali dva virtuelna poslovna foruma, od kojih je jedan bio fokusiran na trendove ulaganja u BiH.

"Poseban akcent IMBiH stavlja na inkluzivnost, zbog čega smo oformili direktorij kroz koji ćemo promovirati organizacije i firme koje žele činiti dobro Bosni i Hercegovini, bez obzira sa kojeg područja dolaze", navodi članica Upravnog odbora IMBiH Sabina Altumbabić-Sackett, koja je prema profesionalnom usmjerenju menadžerica tima za razvoj ljudskih resursa u Kraljevskoj Kanadskoj Banci za regiju SAD-a.

Upravo u ovom direktoriju priliku za umrežavanje dosad je dobilo 35 kompanija, ali i organizacija koje su osnovane u BiH, ali i SAD-u.

"Mi smo trenutno u razgovoru s njih još nekoliko te se naša mreža kontinuirano proširuje. Da bi neko postao dio direktorija, mora proći kroz određene procedure, poput razgovora o njihovim ciljevima, kratkoročnim i dugoročnim planovima, načinima poslovanja i slično. Nakon što uvidimo da se možemo povezati, ubacujemo ih u našu mrežu", pojašnjava nam Tikvina.

Američke i bh. kompanije već razmjenjuju iskustva

Svi oni koji se danas nalaze u direktoriju dobili su priliku za dalje uspostavljanje saradnje koja će doprinijeti razvoju njihovih biznisa, potencijalnim stranim investiranjima u BiH, ali i prodoru domaćih kompanija na američko tržište.

"Način na koji mi živimo našu misiju je upravo pomaganje kompanijama, ali i drugim organizacijama koje dijele našu misiju. Osim promoviranja njihovog rada, mi im želimo pomoći i doniranjem sredstava koja prikupljamo kroz organizaciju jer se, pored inovacija i poduzetništva mnogo fokusiramo i na ekonomsku podršku", navodi Altumbabić-Sackett, istaknuvši da saradnju ostvaruju i sa humanitarnim organizacijama koje imaju iste misije kao i IMBiH.

IT industrija danas je najbrže rastuća u cijelom svijetu, pa tako i u Bosni i Hercegovini, a kadrovski fokus se stavlja na mlade ljude. Međutim, Tikvina kao stručnjak u oblasti finansija, navodi da naša zemlja ima velike potencijale u nekoliko industrija, sa kojima bi mogli biti konkurentni. Na prvo mjesto stavlja turizam, koji je veoma popularan, posebno u postpandemijskom vremenu.

"Postoji mogućnost da turizam u BiH postane konkurentom ostalim zemljama u regiji, samo je potrebno više raditi na promociji i unapređenju. Također, BiH je uvijek bila zemlja bogata ljudima koji su uspješni u zanatima i koji su svoje proizvode plasirali na tržište, ali sada je potrebno raditi na povezanosti. Konkretno, SAD nudi GSP program u kojem je i BiH, ali on nije dovoljno iskorišten. Ovaj program BiH nudi izvoz okvirno tri i po hiljade proizvoda u SAD, a koji su duty free (proizvodi oslobođeni plaćanja PDV-a, op.a.)", naglašava Tikvina.

Investiranje u BiH može biti potpuno isplativo

Smatra da društveno uređenje i politike koče dalji razvoj naše zemlje, jer se shodno njihovom negativnom utjecaju kreiraju finansijske analize po kojima se BiH navodi kao nestabilna država. Međutim, naši sagovornici konkretnim primjerima žele pokazati da je pokretanje i uspjeh biznisa u BiH apsolutno moguć te da investiranje u ovu državu može biti potpuno isplativo.

"Nažalost, mnogo pozitivnih priča koje naša država ima, ne dolaze do svog predstavljanja u javnosti. Bosna i

Hercegovina ima mnogo pametnih, obrazovanih i ambicioznih ljudi, posebno mladih koji imaju izražene potencijale. Svi im moramo pomoći u tome", potcrtava Tikvina.

Altumbabić-Sackett se nadovezuje na to da nije sve ni u ulaganju novca, s obzirom da umrežavanjem kompanija, posebno ostvarivanjem kontakata kroz biznis forume, vlasnici bh. firmi mogu mnogo toga naučiti iz iskustava američkih vlasnika.

"Mi ne možemo promijeniti političku situaciju u BiH, niti je to naš posao jer smo potpuno apolitična organizacija, ali možemo pozitivnim pričama isticati sve ono što smo dosad uradili kao BiH i dijaspora", dodaje Altumbabić-Sackett.

Profesionalnost Bosanaca oduševljava Amerikance

Inače, za sve svoje aktivnosti IMBiH angažira firme iz Bosne i Hercegovine, kojima ukazuju svoje povjerenje, a profesionalnost koju dobijaju zauzvrat oduševljava i Amerikance, što potvrđuju njihova dosadašnja iskustva.

"BiH još uvijek živi sa stigmom devedesetih godina te su očekivanja iz inozemstva niža, međutim, Bosanci su veoma obrazovani i vrijedni ljudi koji pričaju engleski jezik, profesionalci su u svojim strukama i to upravo oduševljava sve one koji nisu iz naše zemlje. Mi to oduvijek znamo i sada želimo promijeniti mišljenje drugih", smatra Husikić.

Apetit za zajedničkom saradnjom između američkih i bh. kompanija postoji, međutim, naši sagovornici su mišljenja da nije postojao dobar način na koji će se to ostvariti. Sada žele dovesti upravo do toga. Znaju da je teško, ali će svojim znanjem i vještinama uspostaviti veze koje će biti duboke i dugotrajne između naših i američkih kompanija, jer bh. firme itekako mogu biti konkurentne na svjetskom tržištu.

Na kraju kažimo i to da IMBiH trenutno broji 14 članova, među kojima je četvero u upravnom odboru organizacije, pet ih je na poziciji ambasadora, dok je troje u svojstvu savjetnika, od kojih je jedno u Bosni i Hercegovini. Sve aktivnosti koje realiziraju su potpuno besplatne za učesnike jer i na takav način žele pomoći građanima naše zemlje. Među njima je i još jedan virtuelni biznis seminar koji će biti održan do kraja ove godine.

Znate nešto više o temi ili želite prijaviti grešku u tekstu?

SAD dijaspora BiH IMBiH

PRIKAŽI SVE KOMENTARE (56)

Vezani članci



POLITIČKE ODLUKE

Joe Biden namjerava da se ponovo kandiduje za predsjednika SAD-a

BLIZU UKRAJINE

Jedna od najelitnijih američkih jedinica smještena je u Rumuniji: Spremni smo na sve

KRITIKE REPUBLIKANACA

Biden dobio kritike: Ne možete Ukrajini pisati čekove i praviti se da Amerikanci nemaju ništa protiv

[Početna](#)[Impressum](#)[Komentari](#)[Kontakt](#)[Marketing](#)[O nama](#)[Privatnost](#)[RSS](#)

Copyright 2000-2022 InterSoft d.o.o. Sarajevo. ISSN 2566-3771. Sva prava zadržana. Zabranjeno preuzimanje sadržaja bez dozvole izdavača.

[Consent choices](#)



Jedna zlatna i dvije bronzane medalje za KBV "Jedinstvo" **Brčko**



Proteklog vikenda u Tešnju održao se 16. "Balkan open", na kojem su nastupila 317 takmičara iz 15 zemalja.

Za Kbv Jedinstvo **Brčko** su nastupili Marija Vujanović, Anastasija Vujanović i Marijana Đojić. Ostvaren je odličan rezultat.

Marija je nastupila u disciplini K-1, najtežoj disciplini Kik boksa i osvojila zlatnu medalju.

Ujedno je proglašena za najbolju juniorku turnira na ringu. Anatasija i Marijana (stariji kadeti) su nastupile u disciplini light contact i osvojile bronzane medalje. Ovo je još jedan odličan rezultat našeg omladinskog pogona!

Rad sa mlađim uzrastima dugoročno daje rezultate, a ovo je pokazatelj ispravne strategije u planiranju trenažnog procesa odnosno rada sa omladinskim kategorijama.

Atelje 6 - Kulturna ekspedicija Brčaka u Parizu



Nedavno se sa osmodnevne ekskurzije, odnosno kulturne ekspedicije iz Pariza u **Brčko** vratila grupa polaznika Ateljea 6. Osmero maloljetne djece, uzrasta od 10 do 16 godina posjetilo je Pariz u pratnji dvije odrasle osobe.

Bilo je to njihovo prvo edukativno putovanje u veći grad, dok sledeće, za Italiju, planiraju na prolećnom raspustu naredne godine.

Novac su prikupili putem prodaje slika, a ideja je bila da kroz putovanje uče o umjetnosti, kulturi i duhu građenja umjetnosti, te svojim radom i novcem ulažu u znanje.

Grupa koju je predvodila akademska slikarka Almedina Cifrić posjetila je sledeće muzeje: Luvr, Versaj i Orsej kao i poznate istorijsko-umjetničke atrakcije: Trijumfalnu kapiju, Ajfelov toranj, Noterdam, Panteon, Monmartr, Monparnas, Latinsku četvrt, Luksemburške vrtove i ono što je možda i najvažnije, Sorbonju.

Plovidbom Senom doživjeli su Pariz iz ugla rijeke i vidjeli svakodnevni život svojih vršnjaka.

Dio svojih slika (minijatura koje nisu prodali u **Brčkom**) prodali su u Parizu i počeli skupljati novac za novo putovanje u Italiju.

Cifrićeva naglašava da je ovo putovanje nevjerojatno iskustvo, iako je sama prethodnih godina, nekoliko puta posjetila Pariz. „Iz ugla djeteta i mogućnosti dječije percepcije, Pariz izgleda potpuno drugačije.

Zaista neprocjenjivo. Za djecu je to naravno izazov i kreiranje ambicija, a vjerujem da će im ponjeriti i tok svakodnevnog promišljanja. Koristili smo sve vrijeme kako bi što više naučili i svoje iskustvo/znanje prenijeli ovdje u gradu, kratko je prokomentarisala mlada slikarka koja je i osmislila ovu svojevrsnu



Završene javne rasprave o budžetu za 2023.godine: Veliki interes građana

Održane su sve tri javne rasprave o Prijedlogu budžeta **Brčko** distrikta BiH za 2023. godinu za koje su građani i predstavnici mjesnih zajednica pokazali veliko interesovanje te su predali svoje zahtjeve skupštinskoj Komisiji za budžet.

Član Komisije za budžet **Skupštine Brčko distrikta** Uroš Vojnović rekao je da su zahtjevi građana slični kao i prethodnih godina i da se, uglavnom, odnose na infrastrukturne projekte.

„Da bi svi ti zahtjevi po novom Zakonu o budžetu bili realizovani moraju imati određenu projektno-tehničku dokumentaciju. Sam novac kao određena stavka u budžetu ne mora značiti ništa s obzirom na to da Zakon o budžetu predviđa da kapitalni projekti traju dvije godine i nakon toga se ide ili u obnavljanje ili na ukidanje tog projekta. Problem predstavlja i stalno povećanje cijena materijala neophodnih za realizaciju kapitalnih projekta zbog čega se firme ne javljaju na tendere. Nadam se da ćemo uspjeti da riješimo ove probleme“, istakao je Vojnović.

Gradonačelnik Brčko distrikta Esed Kadrić rekao je da je **Vlada Distrikta** fokusirana da što više forsira realizaciju kapitalnog budžeta u rješavanju vodosnabdijevanja i da rezultata već ima.

„Ono što smo čuli na javnim raspravama je veoma korisno i ovakav jedan partnerski odnos s mjesnim zajednicama će definitivno doprinijeti da ćemo bolje razumijevati potrebe ljudi i pristupiti rješavanju istih“, istakao je Kadrić.

Govoreći o problemu njeranja parcela po novom načinu, koji je doveo do ponjerenja katastarskih granica u mjesnim zajednicama Plazulje i Gorice, Kadrić je rekao da će se već ove sedmice sastati s nadležnim iz Odjeljenja za javni registar i predstavnicima ovih mjesnih zajednica kako bi se vidjelo šta **Vlada Distrikta** treba da preduzme da bi se riješio problem.

Predloženi budžet **Brčko** distrikta za 2023. godinu iznosi 281.381.660 KM i u skupštinskoj proceduri biće šezdeset (60) dana. Svoje prijedloge za raspodjelu budžetskih sredstava u 2023. godini građani mogu podnijeti pisanim putem na protokolu

Skupštine ili putem mejla info@skupstinabd.ba

Otisak.ba



**SVJETSKI DAN
MOZDANOG
UDARA**

www.dijabeticaribrcko.com


**27. 10. 2022. – 10 – 14 h – BESPLATNO MJERENJE
SECERA U KRVI I KRVNOG PRITISKA**

TRG MLADIH

Save #Precioustime

**Learn the signs,
Say it's a Stroke**

worldstrokecampaign.org



Udruženje dijabetičara **Brčko** distrikta BiH obilježit će Svjetski dan moždanog udara 27.10.2022.g.

Svjetski dan borbe protiv moždanog udara prilika je za podizanje svijesti o ozbiljnoj prirodi i visokoj stopi moždanog udara te razgovor o načinima na koje možemo smanjiti teret moždanog udara kroz bolju svijest javnosti o faktorima rizika i znacima moždanog udara. To je također prilika da se zagovaraju akcije donosilaca odluka na globalnom, regionalnom i nacionalnom nivou koje su neophodne za poboljšanje prevencije moždanog udara, pristup akutnom liječenju i podršku preživjelim i starateljima.

U 2022. godini kampanja je usmjerena na podizanje svijesti o znacima moždanog udara i potrebi pravovremenog pristupa kvalitetnom liječenju moždanog udara.

Svjetski dan moždanog udara ćemo obilježiti besplatnim preventivnim pregledima (mjerenje šećera u krvi, mjerenje krvog pritiska, određivanjem BMI) uz stručne savjete i podjelu edukativnog materijala za sve građane **Brčko** distrikta koje će trajati u period od 10 do 14 sati.

Lokacija održavanja: **Trg Mladih**

Početak događaja: **10 sati**

Otisak.ba

radiobrcko.ba



SERVISNE INFORMACIJE za ponedjeljak 24.10.2022. godine – RNU "Radio **Brčko**" **Brčko** distrikt BiH

☐ "Poslušajte"

RJ ELEKTRODISTRIBUCIJA

SPECIJALISTIČKA LIJEČNIČKA ORDINACIJA Dr. Bereš Velimir Bereš dr.med. SPECIJALISTA ZA PLUĆNE BOLESTI	ul. prof. Murata ef. Sinanagića 1, Brčko (kod Vatrogasnog doma) +387 65 710 136 pon-pet 08-13h i 16-18h, subotom 08-13h
--	--

- Sulje Kahrmana, Mushina Rizvića dio, Klanac II, Marije Jurić Zagorke, Evlije Čelebije, Stevana Sremca, Stevana Ristića dio, Tuzlanska, Joakima Vujića dio, zastoj u vremenu od **09:00 – 14:00 h**
- Ivana Meštrovića, Joakima Vujića dio, Muse Ćazima Ćatića dio i Kulina Bana dio, zastoj u vremenu od **09:00 – 11:00 h**
- MZ Klanac dio (Fra Šimuna Filipovića dio, Sulje Kahrmana dio, Tuzlanska, Muse Ćazima Ćatića dio i Stevana Hristića dio), zastoj u vremenu od **11:00 – 13:00 h;**
- MZ Klanac, MZ Broduša i MZ Ivici dio, dva kratkotrajna zastoja u trajanju do 5 min. u vremenu od **09:00 – 14:00 h;**
- MZ B.Polje dio, MZ B.Polje Selo dio, Petkovača, MZ Slijepčevići dio, MZ Popovo Polje dio, MZ Ražljevo, MZ Krbeti i Posavci, zastoj u trajanju do **1 h u toku dana**

RJ VODOVOD I KANALIZACIJA

- U ul. Bulevar mira, Milovana Glišića, Alije Isakovića i Suljagića sokak radi se na sanaciji curenja na vodovodnoj mreži. Mogući su kraći zastoji u isporuci vode

- U drugim dijelovima gradskog vodovodnog sistema se očekuje uredno snabdijevanje
- Na svim lokalnim vodovodnim sistemima su mogući poremećaji u vodosnabdijevanju u vidu pada pritiska i prekida vodosnabdijevanja, usled nedovoljne količine vode na izvoristima
- Kvalitet vode je zadovoljavajući i odgovara Pravilniku o zdravstvenoj ispravnosti vode za piće (Sl. glasnik BiH, brojevi: 40/10, 43/10 i 30/12).

RJ ČISTOĆA

Služba za upravljanje otpadom

Prema planu, danas će prikupljanje i odvoz smeća od pravnih i fizičkih lica biti organizovano u naseljima:

Centar – Srpska Varoš – Ilička – Potočari, Grčica, Dizdaruša – Poljoprivrednik, Broduša – Stari Rasadnik – Brod lijeva strana, Plazulje – Grbavica – Donji Rahić – Ulice – Gorice, Mujkići – Gluhakovac – Brod desna strana, Vučilovac – Drenava.

Besplatna akcija prikupljanja krupnog otpada – lokacije odlaganja za ponedjeljak

- **Klanac** – parking kod zgrade MZ
- **Rijeke** – proširenje puta kod džamije i parking kod zgrade MZ
- **Grčica** – kod fudbalskog igrališta, ugao ulice Pavla Savića (prije dječijeg igrališta na Ilički)
- **Poljoprivrednik** – parking kod zgrade MZ 4. Juli
- **Dizdaruša** – parking kod zgrade MZ, raskrsnica Omerbegovača – Boderište
- **4. Juli** – parking kod zgrade MZ

Služba za javnu higijenu

Održavanje javnih, zelenih i saobraćajnih površina će se odvijati u skladu sa Planom i programom nadležnog odjeljenja **Vlade Brčko distrikta** BiH za održavanje javnih površina:

- Sakupljanje i uklanjanje otpadaka sa javnih površina, ručno čišćenje javnih površina, pražnjenje posuda za otpatke.
- Održavanje pješačke zone i Bulevara Mira: čišćenje, sakupljanje otpadaka i pražnjenje korpica
- Održavanje javnih i zelenih površina u skladu sa godišnjim planom

Sektor za zbrinjavanje napuštenih životinja

- *Udomljavanje pasa* iz azila svakog utorka i petka od 10:00 – 11:00 h

OSTALE AKTIVNOSTI

O *ostalim uslugama* koje pruža JP „Komunalno **Brčko**“ možete saznati više u korisničkom servisu na www.komunalno.ba ili kontaktiranjem Pozivnog centra 0800 505 07.

Svi članci objavljeni na internet stranici Radija **Brčko** (www.radiobrcko.ba) isključivo su vlasništvo redakcije. Radio **Brčko** dopušta ograničeno i povremeno prenošenje članaka sa svoje internet stranice u drugim medijima. Drugi mediji smiju prenijeti informacije iz pojedinih članaka sa Internet stranice Radija **Brčko** (www.radiobrcko.ba) isključivo kao kratku vijest od najviše četiri reda (300 slovnih znakova), uz obavezno navođenje izvora (Radio **Brčko**), pri čemu su on-line izdanja dužna objaviti link na originalni tekst na web stranicu radiobrcko.ba, ukoliko s uredništvom portala nije postignut dogovor o drugačijim uslovima. Radio **Brčko** je odlučan u nastojanju da zaštiti svoje intelektualno vlasništvo i rad svojih autora. Ukoliko se bilo koji dio teksta ili informacija iz teksta objavljenog na internet stranici www.radiobrcko.ba prenese suprotno ovim pravilima, protiv prekršioca će biti pokrenut pravni postupak pred Osnovnim sudom **Brčko** distrikta. Za detaljnije informacije o uslovima korištenja kliknite na

[USLOVI KORIŠTENJA](#)



Na tridesetu godišnjicu od otmice i stradanja 17 civila iz Sjeverina kod Priboja u ovom mjestu je klanjanja kolektivna dženaza i održana komemoracija u znak sjećanja na ubijene.

Komemoraciji žrtvama prisustvovali su i mirovni aktivisti/aktivistkinje i ratni veterani iz Srbije, Bosne i Hercegovine i Hrvatske.

Zločin u Sjeverinu dogodio se 22. 10. 1992. godine, kada je grupa od 17 Bošnjaka, među kojima je bila i jedna žena, izvedena iz autobusa kojim su se vozili u Priboj na posao kod mjesta Mioče koje se nalazi na području BiH. Kamionom su ih dalje odvezli u Višegrad, gdje su svi ubijeni. Ovoj otmici prethodila je, dan ranije, otmica Sabahudina Catovića koji je otet iz svoje kuće.

Posmrtni ostaci

Punih 30 godina poslije zločina pronađeni su posmrtni ostaci samo jedne žrtve. Poslije 30 čekanja odlučeno je da se i ostalima klanja dženaza iako posmrtni ostaci nisu pronađeni. Dženazu je predvodio reisul-ulema Islamske zajednice Husein ef. Kavazović.

Toga dana 1992. oteti i pogubljeni su Mehmed Šebo, Zafer Hadžić, Medo Hodžić, Medredin Hodžić, Ramiz Begović, Derviš Softić, Mithad Softić, Mujo Alihodžić, Alija Mandal, Sead Pecikoza, Mustafa Bajramović, Hajrudin Sajtarević, Esad Džihic, Idriz Gibović, Ramahudin Catović i Mevlida Koldžić.

Trideset godina traje, osim tuge, i borba obitelji žrtava, za pronalazanje posmrtnih ostataka i priznavanje statusa civilnih žrtava rata.

Država Srbija, kao i Europski sud za ljudska prava, zbog vrlo birokratskih i proceduralnih razloga, odbili su dosadašnje pokušaje zadobijanja bar neke pravde. Država Srbija zbog činjenice da se sama otmica dogodila na teritoriji Bosne i Hercegovine (kuda je autobus morao da prođe na putu za Priboj), a Europski sud zbog toga što u vrijeme otmice, Srbija nije bila potpisnica Europske konvencije o ljudskim pravima.

Okružni sud u Beogradu osudio je na po 20 godina zatvora Milana Lukića i Olivera Kršmanovića, a Dragutina Dragičevića i Đorđa Ševića na 15 godina zatvora, između ostalih i za zločin u Sjeverinu. Lukić je pred Haškim tribunalom osuđen na doživotnu kaznu zatvora za zločine počinjene u Višegradu, ali među nebrojena zlodjela koja je počinio nije uvršten i zločin u Sjeverinu.

Nećemo odustati

Kada stanem ispred ogledala da razmislim šta danas treba kazati, najprije sebi, pa svima vama ovdje, zastane mi knedla u grlu, jer malo je toga što se može kazati, a da već za ovih 30 godina kazano nije. Nećemo odustati od borbe za istinu i status koji nam, kao žrtvama pripadaju. Mi, kao obitelji, očekujemo da se osude zločinci i nalogodavci, otvore arhive, da nam se prizna status, da se ne dijelimo na građane prvog i drugog reda, da zakon o civilnim žrtvama rata bude promijenjen, i



Tri desetljeća od zločina u Sjeverinu kod Priboja

Obitelji i dalje čekaju na pravdu



da se nikada i nikome me ponovi ono što smo mi doživjeli, rekao je u emotivnom obraćanju Omer efendi-ja Hodžić, čiji su otac i tetka bili u autobusu na putu ka poslu, i nikada ih više nije vidio.

Osim obitelji žrtava, vjerskih poglavara Islamske zajednice, komemoraciji je prisustvovao i veliki broj građana, a organizatori ističu i zahvalnost općini Priboj koja je pomogla u obilježavanju dosadašnjih godišnjica i podizanju spomenika u Sjeverinu.

Odavanju počasti i bacanju cvijeća s mosta na Limu u mjestu Mioče prisustvovala je i mješovita grupa ratnih veterana i aktivista i aktivis-

tkinja Centra za nenasilnu akciju u Sarajevu-Beograd.

Ovi ljudi kojih se danas sjećamo su bili građani Srbije, oni su zbog svoje nacionalnosti oteti i ubijeni, a šutnja države Srbije, i njeno ignoriranje ovog i događaja u Štrpcima, koji su po svemu jako slični, govori da to nisu bili incidenti bolesnih umova koji su zločin počinili, već organizirana akcija od strane državnih organa. Građani Srbije su oteti i ubijeni, i država Srbija ima obavezu da njihovu sudbinu rasvijetli, da pronađe gdje su pokopani, osigura dostojanstvenu sahranu i sjećanje na te ljude i pruži nadoknadu njihovim obite-

Mirovni aktivisti

Mirovni aktivisti i aktivistkinje, te ratni veterani iz regije u organizaciji Centra za nenasilnu akciju do sada su prisustvovali komemoracijama u BiH u Gornjem Vakufu, na Koti 715 kod Zavidovića, Stogu kod Vozuče, Novom Gradu/Bosanskom Novom, Sanskom Mostu (Hrastova glavica), Sijekovcu kod Broda, Laništimu kod Brčkog, Trusini kod Konjica, Ahmićima kod Viteza, Grabovici, Uborku i Sutini kod Mostara, Briševu i Zecovića kod Prijedora, Korićanskim stijenama, Stupnom Dolu kod Vareša, Boderištu kod Brčkog, mostu na Savi u Brčkom, Bradini kod Konjica, Skelanima kod Srebrenice, Silos u Tarčinu kod Hadžića, Vitezu, Srbiji u Grdeličkoj klisuri kod Leskovca, Varvarinu kod Kruševca, Aleksincu, Prijepolju za otete iz voza u Štrpcima, te u Hrvatskoj u Pakracu, Varivodama i Gošiću kod Knina.

Ijma. I to je najmanje što može da učini. Dok mi, građani i građanke Srbije moramo da se solidariziramo s obiteljima, da ih podržimo u njihovoj borbi za pravdu i istinu, i da ne dozvolimo da se u naše ime ikada više ubijaju ljudi, rekla je Katarina Milićević, aktivistkinja Centra za nenasilnu akciju poslije komemoracije u Sjeverinu.



Tu negdje zaglibio je čovjek

Susreti su najkreativniji, najplemenitiji i najinspirativniji oblik umjetničkog, teatarskog takmičenja, poređenja i evaluacije estetike umjetnosti teatra

Piše: **MLADEN BIČANIĆ**

Od ove godine tradicionalni Susreti pozorišta/kazališta u **Brčkom**, pokrenuti prije gotovo pola stoljeća, poprimaju novi izgled. Mijenja se sam naziv ove teatarske manifestacije - zvanično se zovu Internacionalni teatarski susreti **Brčko** distrikta BiH, osnovna odrednica nije više isključivo domaći dramski tekst, odnosno predstave rađene po autorima ovog podneblja, što otvara mogućnost da se u **Brčkom** vide i predstave klasika i suvremenih dramatičara europske i svjetske dramske literature, na-grade se izjednačavaju, odnosno nema više podjele na teatre iz Bosne i Hercegovine i one iz regiona, svi ravnopravno sudjeluju u natjecateljskom programu i konkuriraju za jednu od nagrada. To su glavne, bitne promjene, koje u savim novi položaj postavljaju selektora i omogućavaju daleko širi, raznovrsniji i bogatiji program festivala.

Zatvaranje kruga

Selektor Vlado Kerošević ističe: "Kulturološka misija posljednje promjene, koja se dogodila uoči Susreta je da se pred brčansku publiku, kritičku i stručno-umjetničku javnost i organizatore dovedu najkvalitetnije predstave iz BiH i inozemstva, koje su producirane u prethodne dvije teatarske sezone, a da mogu udovoljiti propozicijama Susreta. Vizija Susreta su osvajanje umjetničkih sloboda, internacionalizacija, otvaranje novih umjetničkih teatarskih prostora iz kojih se mogu pozvati i prezentirati teatarski projekti-predstave i izjednačavanje svih umjetnika u kompeticijskom-takmičarskom smislu. Najvrednije u ovim transformacijama je da su to uvijek bili i ostali susreti, a susreti su najkreativniji, najplemenitiji i najinspirativniji oblik umjetničkog, teatarskog takmičenja, poređenja i evaluacije estetike umjetnosti teatra. Pregledao sam više od 30 predstava iz BiH i inozemstva u najširoj



Komad "Pokoynik" prema tekstu Branislava Nušića

nominaciji za zvaničnu takmičarsku konkurenciju.

Najvažna selekcija nominiranih predstava otvorila mi je mogućnost određivanja i definiranja tematsko-sadržajnog, idejno-estetskog i kreativnog koncepta Susreta. Glavne odrednice bile su kvaliteta, raznovrsnost i stilsko-žanrovska utemeljenost tako da sam na Susrete odlučio pozvati predstave koje na simboličan način zatvaraju krug dramskog stvaralaštva; od francuske klasike, preko bosanskohercegovačke, hrvatske i srpske klasične i suvremene drame, do naj-suvremenije slovenačke i engleske drame. Predstave koje su ušle u takmičarski

program Susreta konotiraju s vremenom u kojem živimo otvarajući dijalog s publikom u okviru teme 'Bolest društva', koja je moto Susreta".

Natjecateljski program tako nudi lepezu vrlo raznorodnih formi i kazališnih žanrova: klasičnu francusku komediju, crnu krimi-komediju, egzistencijalnu dramu, filozofsku dramu, suvremenu, domaću realističku dramu i tragikomediju, te englesku crnu tragikomediju, a selektirane predstave, prvi put ove godine, naglašava Kerošević, dolaze iz svih država koje su nekad tvorile bivšu Jugoslaviju: BiH, Hrvatska, Srbija, Crna Gora, Makedonija i Slovenija.

U situaciji kada se identitet suprotstavio ideologiji, a ideologija je nametnuta obrazac društvenog sustava, koja ne pozdravlja individualitet, njegujući kolektivnu svijest mase, kako konstatira Jakov Amidžić, direktor Susreta, došlo je do sljedećeg: "Tu negdje zaglibio je čovjek, pojedinac, neprestano se pitajući o kakvoj je bolesti riječ. Potječe li društveno oboljenje od pojedinca ili je zametnuta bolest u kolektivnoj primjesi nemorala, skupini pojedinaca koji

Od ove godine tradicionalni Susreti pozorišta/kazališta u **Brčkom**, pokrenuti prije gotovo pola stoljeća, poprimaju novi izgled

Predstave koje su ušle u takmičarski program Susreta konotiraju s vremenom u kojem živimo otvarajući dijalog s publikom



Festival se održava pod motom "Bolest društva"

misle i djeluju identično zaigrani u tom omadžijanom krugu ponavljanja povijesti, samo pod drugim imenom? Teatar je morao progovoriti o tim dilemama, uhvatiti se ukoštac preludija i igre mačke i miša, pojedinca i kolektiva, neprestano dramaturški postavljajući ispred kulisa obrambeni mehanizam i odgovor Homo sapiensa 'Evo me, tu sam' sa svim svojim strahovima i pobjedama".

Bogat program

Upravo o tim strahovima i pobjedama, porazima i padovima, usponima i posrtanjima pojedinca u vremenu koje živimo govore i odabrane predstave. Do 28. oktobra, kada će stručni žiri Susreta, čine ga Dragan Despot, Zagreb, Emira Muftić, Sarajevo, i Željko Mitrović, Banja Luka, saopćiti odluke o nagradama, publika brčanskih

Pozorišnih susreta moći će pogledati osam predstava iz regije. To su "Škrtač", Moliere, redateljica Dora Ruždjak Podolski, Satiričko kazalište Kremepuh, Zagreb, "Pokoynik", Branislav Nušić, redatelj Egon Savin, Crnogorsko narodno pozorište Podgorica i Centar za kulturu Tivat, "Kuća", Benjamin Hasić, redatelj Alen Šimić, Bosansko narodno pozorište Zenica, "Jugoslavija, moja otadžbina/Jugoslavija moja dežela", Goran Vojnović, redatelj Marko Misirača, Pozorište Prijedor, Gledalište Koper, "Fridrich Ebert" Stiftung, Njemačka, "Neće biti smak svijeta", Adnan Lugonić, redateljica Nina Nikolić, Sarajevski ratni teatar, Makedonski narodni teatar i Peripetija Production, Skopje, "Ko je ubio Dženis Džoplin", Tijana Grumić, redateljica Sonja Petrović, Srpsko narodno

pozorište i Omladinska prestonica Europe OPENS, Novi Sad, "Djetinjstvo u Agramu", Miroslav Krleža, redateljica Senka Bulić, Gradsko dramsko kazalište Gavella Zagreb, "Pristanak", Nina Rejn, redatelj Nebojša Bradić, Atelje 212 Beograd.

Posljednjeg dana Susreta, van konkurencije, nastupit će Centar za kulturu i mlade i Altheatar iz Sarajeva sa predstavom "Prah", autor Gyorgy Spiro, u režiji Miralema Zupčevića. Naravno, kao i svake godine do sada, kazališni program slijedi i bogati prateći, a od novih publicističkih izdanja Susreta izdvajam "Antologiju hrvatske drame Susreta kazališta I - IV", priređivača Srđana Vukadinovića i Jakova Amidžića, kao i novi dvobroj časopisa Susreti, vjernog pratitelja ove kazališne manifestacije.



Detalj iz predstave "Jugoslavija, moja otadžbina"



GENERALNI SEKRETAR UDRUŽENJA DRUŠTAVA ZA OSIGURANJE U FEDERACIJI BiH ERMIN ČENGIĆ

Rast premije osiguranja, ali i isplaćenih šteta

Iznos isplaćenih šteta povećan je sa 165,4 miliona KM na 188,7 miliona KM, što je u odnosu na isti period prošle godine više za 14,1 posto. Istina je i da se broj isplaćenih šteta povećao, ali definitivno dolazi period koji će staviti na kušnju i društva za osiguranje i regulatore tržišta u smislu pritiska na fondove za isplatu šteta

Na tržištu osiguranja u Federaciji Bosne i Hercegovine (FBiH) za devet mjeseci ove godine zabilježen je rast ukupne premije od osam posto, dok je iznos isplaćenih šteta porastao za 14,1 posto.

Generalni sekretar Udruženja društava za osiguranje u Federaciji BiH Ermin Čengić kazao je Feni da je iznos isplaćenih šteta povećan sa 165,4 miliona KM na 188,7 miliona KM, što je u odnosu na isti period prošle godine više za 14,1 posto. Rast cijena rezervnih dijelova ili servisnih usluga za automobile, zatim cijena drugih usluga kao i radnog sata, poremećaji u lancima snabdjevanja, tehnološki napredak u proizvodnji vozila, poskupljuju procese, te sve značajnije, po njegovim riječima, utječu na porast troškova, odnosno ulaze u spomenuti porast iznosa isplaćenih za štete.

Istina je i da se broj isplaćenih šteta povećao, ali definitivno dolazi period koji će staviti na kušnju i društva za osiguranje i regulatore tržišta u smislu pritiska na fondove za isplatu šteta. Nema nikakve sumnje da u ovakvim kriznim vremenima najviše do izražaja dolazi kapitalna adekvatnost i likvidnost osiguravajućeg sektora koju je utvrdila i Agencija za nadzor osiguranja FBiH kroz konstataciju da su društva za osiguranje iz Federacije BiH, i prije utvrđenog roka, uskladila svoje poslovanje sa odredbama Zakona o osiguranju u pogledu kapitalne adekvatnosti, čime su osigurane veća finansijska stabilnost i sposobnost za izvršavanje ugovora iz osiguranja.

Čengić je naveo da je ukupna premija osiguravatelja u FBiH nakon devet mjeseci iznosila ukupno 459,5 miliona KM i da je porasla za nešto više od osam posto, što je trend koji je u skladu sa prošlogodišnjim porastom.

"Premija raste brže od bruto društvenog proizvoda (BDP) i kao što je istaknuto i na našoj konferenciji 'Dani osiguranja u BiH', oporavak tržišta osiguranja nakon perioda pandemije se definitivno desio. Međutim, ono što predstavlja trenutno glavni izazov cjelokupnoj ekonomiji, a to je porast inflacije, snažno utječe i na tržište osiguranja. Podsjećam da se, uz inflaciju na

nivou od oko 18 posto, istovremeno cijene usluga osiguranja ne mijenjaju odnosno index potrošačkih cijena za usluge osiguranja je na istom nivou, što znači da će sektor trpiti posljedice poskupljenja svih



Ermin Čengić

dobara i usluga koje su vezane za osiguranje odnosno rješavanje odštetnih zahtjeva i povezane troškove", istakao je Čengić.

Ukupna premija neživotnog osiguranja od 359,5 miliona KM je veća za oko sedam posto u odnosu na devet mjeseci prošle godine, dok je premija životnog osiguranja narasla na gotovo 100 miliona KM uz rast od 13,7 posto. Nešto veći porast je, prema Čengićevim riječima, u segmentu dodatnih osiguranja uz osiguranje života, ali tu je premija svega 10,3 miliona.

Dominacija osiguranja automobilske odgovornosti se nastavlja i ova vrsta osiguranja sa 214,5 miliona KM učestvuje u ukupnoj premiji sa 46,6 posto, a u premiji neživotnih osiguranja gotovo 60 posto. Većina vrsta osiguranja je porasla u odnosu na 2021. godinu, a od onih vrsta osiguranja koje su zastupljene u premiji više od jedan posto, jedino je osiguranje kredita imalo pad od sedam posto.

"Naše tržište osiguranja je stabilno i pored dvogodišnjih izazova pandemije, te utjecaja aktuelnih faktora poput inflacije, globalnih kriza i sukoba poput onog u Ukrajini, promjene cijena energenata i drugih poremećaja na tržištu, ali i odlasku mladih iz BiH, što je jedna od najvećih opasnosti po dalji ekonomski razvoj države. S druge strane, perspektivu industrije osiguranja će odrediti i neminovnost usklađivanja sa evropskim direktivama i praksama poslovanja", naveo je Čengić. To se prije svega odnosi na pro-

cese deregulacije i liberalizacije tržišta automobilske odgovornosti koja će, zbog okrenutosti ka ovoj vrsti osiguranja, u najvećoj mjeri tražiti spremnost i kvalitetnu pripremu od društava za osiguranje.

"Izazovi kakvi nas očekuju su vezani i za primjenu Solventnosti II i implementaciju računovodstvenih standarda MSFI 17, kao i na digitalizaciju kompletnog sistema. Međutim, ono što bi osiguravateljima svakako najviše pomoglo u narednom periodu je porast svijesti o važnosti usluga osiguranja, kako kod najšire javnosti tako i kod nosilaca odgovornih funkcija u institucijama države. Primjera radi, uvođenjem obaveznosti osiguranja od nezgode na radu u Federaciji BiH, što je prijedlog Udruženja, imali bismo višestruku korist i za radnike i za poslodavce i za razvoj tržišta osiguranja", dodao je Čengić.

Također, zakonskim regulisanjem katastrofalnih rizika poput poplava ili zemljotresa značajno bismo unaprijedili segment zaštite ljudi i materijalnih dobara u BiH.

"Zato svi moramo značajno više ulagati, i pri tom ne mislim samo na finansijske investicije, u obrazovanje mladih ali i onih zrelijih stanovnika BiH o tome da je osiguranje jedina finansijska zaštita od nesigurne budućnosti, od finansijskih rizika i od klimatskih promjena i povezanih elementarnih nepogoda sa katastrofalnim posljedicama po stanovnike i ekonomiju jedne zemlje", zaključio je Čengić.

Na tržištu osiguranja u BiH ukupno posluje 25 društava za osiguranje i jedno društvo za reosiguranje. Od tog broja, 11 društava za osiguranje i jedno reosiguravajuće društvo su sa sjedištem na području entiteta Federacija BiH, a 14 društava za osiguranje je sa sjedištem na području entiteta Republika Srpska te Distrikta Brčko BiH.

Vodećih pet društava po kriteriju visine ostvarene premije u devet mjeseci ove godine su Adriatic osiguranje sa 61,9 miliona KM, UNIQA osiguranje sa 55,5 miliona KM, Triglav osiguranje sa 52,1 milion KM, Sarajevo osiguranje sa 52 miliona KM i Euroherc osiguranje sa 51,7 miliona KM, a po poretku dalje slijede Grawe osiguranje, ASA osiguranje, Central osiguranje, Croatia osiguranje, Vienna osiguranje, Camelija osiguranje.